



SIUMUT INATSISARTUNI ILAASORTAATITAT / LANDSTINGSGRUPPEN

6. juuni 2007

Inatsisartut suleriaasianni § 36, imm. 1 naapertorlugu Naalakkersuisunut apeqqut imaattoq matu-muuna saqqummiuppara:

Naalakkersuisunut apeqqutigerusuppara aalisartut maannamut qipoqqaat peqqutigalugit bundgarniminnik aserortigiffiqeqarsimasut qanoq atsigisumik taarsiiffiqeqarsimanersut aammalu qanoq siunissami pilersaaruteqarfingeqarnersut qipoqqaat amerliartuinmartillugit ajornartorsiat milliartunngilluinnarmat?

(Inatsisartuni ilaasortaq Ruth Heilmann, Siumut)

Tunngavilersuut:

Nalunngilarput qipoqqaat piniutinik taamatut aserorterisarnerat qangali takornartaanngitsoq ullumikkullu qipoqqaat suli eqqisisimatitaapput, naak amerlasoorujussuanngoreeraluwartut aalisarniar-nermullu inuutissarsiuut pingaarnersaannut akornutaaleraluttuinnarlutik ajoraluwartumik.

Sinerissami pingaartumillu Maniitsumi bundgarnersorluni saarullinniartut assut arferit qipoqqaat akornutigivaat. Bundgarninut aserorterinerat annertuvoq aammalu maani piniarnermut aalisarnermullu nakkutillisup oqaloqatiginerani paasivara maannamut minnerpaamik arfinillit bundgarnit annertuumik aserorneqartut nalunaarutigineqarsimasut Qullersaqarfimmut ingerlateqqinnejqarsimal-lutik.

Bundgarnit ullumikkut pisiarineri akisoqisut oqaatigineqarpoq 48.000 kr. –nit angullugit akeqartartut. Taamaalillutik aalisartut tassunakkut annasaat annertusaqisut tusinderpassuusarlutik aserorsimasut suliarineri pisariusaqisut piffissamik aamma annertuumik tigusisaramik annaasaqaataasar-put aalisarnissaraluamik taamalu isertitassaraluannik aningaasanik atorfissaqarteqisaminnik aamma-lu taamatut piniutiminnik annaasaqaraangamik pisassaraluatik taamaalillutik annaasaramikkik. Bundgarnersornermi periarfissaq sivisuneq ajormat, qaammatimmi ikittuonnaat saarulliit takkusi-maarfisarmassuk.